

Kisah daripada Huo Huan: Naga


Pada zaman dahulukala, sebuah kisah tentang taman permainan naga yang ajaib telah menghidupkan Book Bug bernama Naga. Sisik si Naga comel yang berwarna merah delima hangat seperti matahari. Matanya cerah, kaya dengan ketawa kanak-kanak yang seronok bermain di buaian dan gelongsor.

Sebelum munculnya Naga, para penduduk Huo Huan merupakan masyarakat yang bersifat tegas. Mereka dikenali sebagai Book Bugs yang paling tegar, kuat dan tahan lasak, dan terkenal terutamanya kerana kehandalan mereka dalam bidang membina. Walau bagaimanapun, mereka tidak begitu ceria memandangkan keadaan hidup di Huo Huan penuh dengan kepayahan.

Sebaliknya, ke mana sahaja Naga pergi, derai tawa akan menyusuli. Dia akan memasuki kawasan penempatan gurun, mengorek lubang di dalam pasir bersama Book Bugs yang cilik sepertinya — Naga berguling dan bergolek di seluruh Huo Huan. Baginya, dataran yang berbatu menjadi taman permainan peribadi.

Sedang kehidupan di Huo Huan menjadi lebih rancak dan bertenaga, Naga berubah dan membesar. Sisik delimanya yang lembut bertukar keras, sama dengan tebing yang berbatu di tanah itu. Matanya semakin gelap warnanya, bertukar kepada warna bara api yang hampir mati. Dan pada suatu hari, apabila Book Bugs yang lebih cilik pulang ke rumah masing-masing selepas puas bermain pada sebelah pagi, Naga meringkuk di bawah matahari padang pasir dan tertidur.

Dia tidak bangun-bangun.



Kisah daripada Huo Huan: Naga

Selama bertahun-tahun, Naga tidak berganjak langsung, walaupun dia tidak pergi ke mana-mana; Bugs Huo Huan menekan sesungut dan telinga mereka pada badan Naga, dan mereka dapat merasakan betapa hangat badannya, dan betapa jantungnya berdegup secara perlahan dan tetap. "Dia hanya berehat," mereka membuat kesimpulan. "Suatu hari nanti dia akan bangun, dan kita semua akan bermain bersama semula!"

Tetapi walaupun tanpa Book Bug merah delima itu, Bugs Huo Huan ceria dan gembira, setelah dapat mengecapi kebahagiaan membina istana pasir dan memahat rumah masing-masing di batu. Maka Naga tidur, aman damai, tidak diperlukan...

... Sehingga munculnya riak-riak keresahan memecah ketenangan Bugtopia, dengan laporan tentang Bugs yang tiba-tiba lesap dan bencana alam.

Dan pada suatu pagi, seolah-olah dapat merasakan ancaman ini kepada Huo Huan, satu kelopak mata berwarna ambar terbuka dengan penuh rasa ingin tahu. Penjaga yang sudah lama nyenyak tidur itu kini meregang dan menguap, cuba menggugurkan rasa mengantuk selama bertahun-tahun.

